



Хабар

Ўзбекистон Республикаси Алоқа Вазирлиги нашри

1992 йил мартдан чиқа бошлаган • 1995 йил, 21 июль № 29 (154) •

Сотувда нархи эркин

МУҲИМ МАСАЛАЛАР МУҲОКАМА ЭТИЛДИ

Вазирлик ҳайъатининг навбатдаги йиғилиши бўлиб ўтди. Уни алоқа вазири К.Р.Раҳимов бошқарди.

Ҳайъат йиғилишида Тошкент Электротехника алоқа институтида Давлат тили ҳақидаги Қонуннинг қандай бажарилаётганлиги кўриб чиқилди. Ушбу масала юзасидан ТЭАИ проректори, профессор М.Н.Орипов ахборот берди.

Ўзбек тилини амалиётга жорий этиш борасида муаммо ва қийинчиликлар кам эмас. Айниқса, атамалар масаласида анча қийналяпти. Алоқа соҳаси бўйича махсус лугатлар чоп этилса айни муддао бўларди.

Ҳайъат ТЭАИ раҳбариятига давлат тилини жорий этиш юзасидан фалорек иш олиб бориш лозимлигини уқтирди.

Мажлисда 1994 йили Алоқа вазирлиги ва республика алоқа ходимлари касба уюмиси Марказий Кўмитаси ўртасида имзоланган шартноманинг қандай бажарилиши кўриб чиқилди. Хужжатда белгиланган тадбирлар асосан амалга оширилганлиги таъкидлаб ўтилди. Шартномада ўртача иш ҳақини 3,2 баробар ортириш кўзда тутилганди,

амалда бу рақам 7,6 ни ташкил этди. Бундан ташқари, алоқа ходимларини ижтимоий ҳимоя қилиш борасида бошқа ишлар ҳам амалга оширилди.

Ҳайъатда «Ўзбекистон почтаси» концерни раиси Р.Э.Зиқировнинг жорий йилда нафақаларни тўлаш борасида Тахياتош туманида рўй берган камчиликларнинг оқибатлар хусусидаги маълумоти тингланди ҳамда Қорақалпоғистон Вазирлар Маҳкамасининг Қорақалпоғистон Давлат почта алоқа корхонаси бошлиғи К.Иброҳимовни вазифасидан овоз қилиш ҳақидаги тавсияси муҳокама қилинди. Ушбу масала юзасидан Қорақалпоғистон Вазирлар Маҳкамаси қабул қилган қарорда Ўзбекистон алоқа вазирлигидан К.Иброҳимовни ишдан овоз қилиш сўралди. Масала атрофида муҳокама қилиниб, К.Иброҳимовнинг ўзи ҳам тушунтириш берганидан кейин, ҳайъат «Ўзбекистон почтаси» концерни тавсиясини инобатга олиб, Қорақалпоғистон Давлат почта алоқа корхонаси бошлиғи К.Иброҳимовни вазифасидан овоз этишга розилик билдирди.

Ҳайъат йиғилишида Назорат-тафтиш бошқармаси бошлиғи

Х.Шамсиев ижтимоий маданий-маиший бинолар куриш ва фойдаланиш корхонасида ўтказилган тафтиш натижалари ҳақида ахборот берди. Текширишда жиддий камчиликлар аниқланди. Моддий боиликларнинг аниқ ҳисоб-китоби йўқ, улар рўйхатдан ўтказилмаган, асосий мулклар қайта баҳоланмаган, материал ва мебеллар, бошқа мулклар нархи туширилган ҳолда тарқатиб юборилган, маблагни ўзлаштириш, каммад ҳоллари учрайди. Оқибатда корхонага 60 минг сўм миқдорда зиён етказилган. Айни чоғда муҳокамада яна шу нарса ҳам маълум бўлдики, бу маълумотларнинг кўпчилиги керакли хужжатлар билан далилланмаган, шу боис улар асосида қарор қабул қилмаслика келишилди. Ҳайъат тажрибали мутахассислардан иборат комиссия тuzиб, корхонадаги ушбу камчиликларни янада чуқурроқ текширгандан сўнг бу масалага яна қайтиш лозимлигини маълум қилди.

Мажлисда «Хабар» газетасида йўл қўйилган хатолик ҳам муҳокама қилинди. Газета бош муҳаррири Ш.Отабоевнинг бундай хатолик бошқа қайтарилмаслиги ҳақидаги маълумоти қабул қилинди.

Алоқа корхоналарида кўп йиллик самарали меҳнати ва соҳа равнақи йўлидаги хизматлари учун бир гуруҳ алоқа ходимлари муносиб тақдирландилар. Ўзбекистон Республикаси Алоқа вазирининг буйруғига кўра Қорақалпоғистон Давлат электр алоқа ишлаб чиқариш корхонасига қарашли Қўнғирот туман электр алоқа боғламаси бошлиғи Садирбой Абдуразоқов, Андижон вилоят электр алоқа ишлаб чиқариш корхонасига қарашли Марҳамат туман электр алоқа боғламаси электр монтёри Нўмонжон Сайфутдинов, Бухоро вилоят Давлат электр алоқа ишлаб чиқариш корхонасига қарашли Исрофил Чекидзе, Наманган вилоят Давлат

корхонасининг фойдаланиш бўлими бошлиғи Матлуба Нарзулжаева, Самарқанд вилоят Давлат почта алоқа ишлаб чиқариш корхонасига қарашли Тойлоқ туман почта алоқа боғламаси бошлиғи Камол Шарипов, Республика радио ва телевидение ишлаб чиқариш бошқармасига қарашли Нукус радио ва телевидение узатиш маркази бошлиғи Андрей Сейтеповларга Ўзбекистон Республикаси Алоқа вазирлигининг «МОҲРИЙ АЛОҚАЧИ» фахрий унвони берилди.

Шунингдек, Жиззах вилоят Давлат электр алоқа ишлаб чиқариш корхонасига қарашли техник фойдаланиш алоқа боғламаси муҳандиси Олим Бойнотов, Навоий вилоят

МУКОФОТЛАР МУБОРАК

электр алоқа ишлаб чиқариш корхонасининг режалаштириш бўлими бошлиғи Венера Абдулина, Тошкент вилоят Давлат электр алоқа ишлаб чиқариш корхонасига қарашли Келес туман электр алоқа боғламаси 6-тоифали электр монтёри Акбар Фозиҳжасев, Хоразм вилоят Давлат электр алоқа ишлаб чиқариш корхонасига қарашли Шовот туман электр алоқа боғламаси бошлиғи Илҳом Отабоев, Қашқадарё вилоят Давлат электр алоқа ишлаб чиқариш корхонасига қарашли Бешкент туман электр алоқа боғламаси электр монтёри Муса Умбаев, Бухоро вилоят Давлат почта алоқа ишлаб чиқариш корхонаси бошлиғи Хосият Жалилова, Сурхондарё вилоят Давлат почта алоқа ишлаб чиқариш корхонасига қарашли Узун туман почта алоқа боғламаси бошлиғи Абдужаббор Авазов, Фарғона вилоят Давлат почта алоқа ишлаб чиқариш корхонасига қарашли Яйпан туман почта алоқа боғламаси бошлиғи Ингитали Ҳамроқулов, Сирдарё вилоят Давлат почта алоқа ишлаб чиқариш корхонасининг почта бўлими бошлиғи Каролина Когай, Навоий вилоят Давлат почта алоқа ишлаб чиқариш

Давлат электр алоқа ишлаб чиқариш корхонасига қарашли техник фойдаланиш алоқа боғламаси бошлиғи Бердӣ Шарипов, Самарқанд вилоят Давлат электр алоқа ишлаб чиқариш корхонасига қарашли Лош туман электр алоқа боғламаси телефончиси Раиса Турсунова, Сирдарё вилоят Давлат электр алоқа ишлаб чиқариш корхонаси телефончиси Назолат Раҳмонова, Фарғона вилоят Давлат электр алоқа ишлаб чиқариш корхонасига қарашли Марғилон туман электр алоқа боғламаси линия электр монтёри Алижон Ҳакимов, Сурхондарё вилоят Давлат электр алоқа ишлаб чиқариш корхонасига қарашли Термиз шаҳар электр алоқа боғламаси кабел кавшарловчи Владимир Телушко, Республика радио ва телевидение ишлаб чиқариш бирлашмасига қарашли Термиз радио ва телевидение узатиш марказининг станция бошлиғи Ортинқой Пардаевлар Алоқа вазирлигининг «ФАХРИЙ ЕРЛИГИ» билан мукофотландилар.

**МУКОФОТЛАР МУБОРАК
БЎЛСИН, ЗАҲМАТКАШ АЛОҚА
ХОДИМЛАРИ!**

Тошкент Электротехника алоқа институтининг 40 йиллиги



Тошкент Электротехника алоқа институтида дунёнинг 14 мамлакатидан 120 га яқин хорижийликлар таълим олинмоқда. Институт катта ўқитувчиси М.Иброҳимова талабалар билан машғулот ўтказяпти.

Сураткани: А.РИСҚИЕВ

ОЛАМДА НИМА ГАП?

• Воқеалар • Яншиқлар • Хабарлар

• Ўзбекистон Республикаси Президентини Ислам Каримовнинг тақлифига биноан Россия Федерацияси ҳукумат Раиси Виктор Черномырдин шу йил 26-28 июль кунлари расмий таширф билан Ўзбекистонда бўлади.

• Матбуотда «Банкротлик тўғрисида» Ўзбекистон Республикаси қонунини амалга ошириш чора-тадбирлари ҳақида «Ўзбекистон Республикаси Вазирлар Маҳкамасининг қарори ҳамда «Республика матбуот ходимларидан бир гуруҳнинг мукофотлаш тўғрисида» Ўзбекистон Республикаси

Президентининг Фармони эълон қилинди.

• Ж.Серек раҳбарлигидаги Швейцария қизил ҳоч жамияти делегацияси Оролбўйидаги экологик вазият билан танишиш мақсадида Қорақалпоғистонда бўлди.

• Нукусдаги санъат саройида қозоқ оқини А.Қўнанбоев таваллудининг 150 йиллигига бағишланган тантанали йиғилиш бўлди.

• Мухташам «Туркистон» саройида республикамиздаги энг тўнғич «Ўзбекистон» нашриёти ташкил этилганлигининг 70 йил-

лигига бағишланган йиғилиш ўтказилди.

• Россия Президенти Б.Ельцин янги қақриқ Давлат думаси депутатлари сайловини 1995 йил 17 декабрга белгилаш тўғрисидаги фармонни имзолади.

• Киевда номаълум кишилар томонидан гаров тариқасида учта ливан бизнесменлари ушланиб, яшириб қўйилди. Ракетчилар уларнинг овоз этилиши учун уч миллион АКШ долларини Вашингтондаги банклардан бирига ўтказиш кераклигини талаб қилмоқдалар.

• Қозғистон Конституциявий суди республикадаги янги Конституция лойиҳасини батафсил таҳлил этиб, у инсон ҳуқуқлари ва эркинлигини бир қадар чеклайди, деган фикрга келди.

• Европада Хавфсизлик ва ҳамкорлик ташкилоти миссиясининг Грознийдаги биносида Россия Федерацияси билан Жовхар Дудаев тарафдорлари ўртасида Чеченистондаги ихтилофни тинч йўл билан ҳал этиш борасидаги музокаралар қайтадан бошланди.

• Шарқий Сибир темир йўлининг Тайшет бўлимида юк ташувчи поезд ҳалокатга учради.

• Франция Президенти Жак Ширак Боснияда мусулмон аҳлига бўлаётган тажовузларга чек қўйиш мақсадида қатъий ҳарбий ҳаракатларни бошлаш лозимлигини талаб қилди.

• Словакиядаги Коменский университетининг ходимлари кўбш системасидаги янги кичик планетани қайд қилдилар. Унинг Марс ва Юпитер орали-

гида жойлашганлиги маълум бўлди.

• Бирлашган Араб Амирликлар федерал Олий судининг қарорига кўра ушбу мамлакатда яшайётган ва мусулмон бўлмаган аҳоли жамоат жойларига маст ҳолда юридиган бўлса, уларга тан жазоси берилмайдиган бўлди.

• Токио полицияси олиб борган тергов ишлари натижасига кўра, «Аум синрико» диний мазаҳби Россиядан «Калашников» автомати нусхасини яширинча келтириб, ялпи ишлаб чиқаришни режалаштирган.

• Германияда чиқадиган «Бельд» газетаси машҳур теннисчи Штефи Графинг ҳужуматдан ўй даромадини яшириб келгани туфайли солиқ полицияси томонидан уй тинтув қилингани ҳақида шов-шувли хабар тарқатди.

